

Hymn.

8.

L

u-cis Cre-á-tor óp-time, * Lu-cem di-é-rum pró-

fe-rens, Primórdi-is lu-cis novæ, Mundi pa-rans o-rí-gi-

nem.

Qui mane iunctum vésperi
diem vocári præcipis:
tætrum chaos illábitur;
audi preces cum flétibus.

Ne mens graváta crímine
vitæ sit exsul múnere,
dum nil perénne cógitat
seséque culpis illigat.

Cælórum pulset íntimum,
vitále tollat præmium;
vitémus omne nóxium,
purgémus omne péssimum.

Præsta, Pater piíssime,
Patrique compar Unice,
cum Spíritu Paráclito
regnans per omne sæculum. Amen.